



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Reverendi Patris Vincentii Carafæ, Septimi Societatis
Jesu Generalis**

Bartoli, Daniello

Leodii, 1655

Cap. XI. Ejudem suprema Romæ beneficentia in ægros ac egentes.

urn:nbn:de:hbz:466:1-42928

restinguere dormituriens oblitus erat, jámque ad imum usque consumptam, cœptantémque adurere lecti lintea. Et periculum instabat ne flamma sensim augescens dormientem involveret: sed ambo igni statim extinguendo incumbentes, illud amoliti sunt. Intellexit porrò Pater Joannes Baptista, cui tam opportunum necessariumque remedium, & adeo vitam deberet. Nos verò exploratum hinc habemus Moderatoribus paternum in suos pectus curámque gerentibus, Deum ut communibus filiis patrem matrémvse se probet, nec prodigiis parcere.

C A P U T XI.

Vincentii suprema Romaë beneficentia in ægros ac egentes.

Priusquam felicem divini hujus viri Vincen-
obitum describendum suscipiam, vi-
sum est ejus occasionem referre, quippe tii desi-
ex qua egregia illius laus efflorescit. Sem- derium
per illum ardens desiderium tenuit non pro
modò brevi moriendi (ob sanctam animi Christo
moriē-
di)

ad Deum, supremum utique bonum ac finem suum , anhelantis impatientiam) sed & moriendi, conceptâ ex ministerio contagiosorum morte. Cum enim pro cā, qua flagrabat, Martyrii cupiditate, integrum ei non esset post exantlatos Evangelio disseminando labores, in aliquâ Indiarum plaga , sanguinem vitâque fidei causâ profundere, id proximum videbatur , ut, velut in solarium negati martyrii, charitatis in ægros præstitæ gratiâ generosè occumberet. Itaque eo tempore quo Italiam sollicitavit metus illius contagionis , quæ paucis pōst annis per universam immaniter grassata est, Vincentius Novitiorum tunc Magister Neapolii, ad Reverendum admodum Patrem Mutium Vitellescum Societatis J̄esu Præpositum Generalem litteras dedit supplices, ut quamcumque urbem , in qua degeret, pestis invaderet, copia sibi fieret, eā afflatis de Societatis more ad salutem animarum inserviendi. Et hanc sui devotionem concepto ex Moderatorum venia voto firmavit. Inventum illud est ab illius obitu sua ipsius manu exaratum, in hæc verba. *Ego Vincentius Carafa,
peccator*

peccator indignissimus, vovea coram Sa-
cratissima Virgine Mariâ, Angelo meo
Custode, & Curia cœlesti universa, ubi-
cumque fuero, ubi pestis ingruerit, facul-
tate accepta à meis Superioribus, tali mor-
bo affectis inservire: ut amore amoris tui
moriar, qui amore amoris mei dignatus es
mori. Amen. 10. Augusti. Die S. Lau-
rentii 1624. Quoniam autem Deo visum
est, tum quidem Neapolitanam urbem
pestis immunem tueri (utique civili bel-
lo, quo postmodum miserè arsit, reserva-
tam) non potuit vir piissimus desiderio
ac voto suo obsequi. Semper tamen
utrumque animo hæsit, simûlque opinio-
ratæ imposterum facultatis obligatio-
nisque utrumque exsequendi, tametsi
non tam pestis, quam alterius generis
morbus esset, modo commercio ipso, &
& afflatu valentibus noxius. Et alias qui-
dém atque alibi fidem illam Deo datam
liberavit, sed postremo ac potissimè Ro-
mæ. Quamquam enim ad Societatis
clavum jam sedenti, spes illa, studio di-
vini amoris, charitatisque fraternæ, ca-
put morbis ac morti objectandi, erepta
videri posset; haud tamen difficilè fuit

amantissimo Numini tam pio servi sui desiderio explendo amplam suggestere ansam: ut quæ Vincentii vitam sibi omnino vindicaverat charitas, mortem ex merito coronaret. Et Romam quidem elegit, ut & illa illustrior esset, ejusque exemplum fructuosius, & hæc orbis caput, ac Sanctorum palæstra, etiamnum sibi se similem gratulari posset.

Initium
dat sub-
levandæ
publicæ
necessi-
tati.

Igitur anno 1649. (quo anno ob proximè præcedentis sterilitatem summa fuit annona in Italia difficultas) innumeri pauperes Romam, tamquam ad commune perfugium confluxere, ut imminentem à fame mortem mendicata stipe evaderent. sed quia eorum multitudo ingens erat, & robustiores mendicandi promptitudine debilioribus officiebant, factum est ut ex his subsidio destitutis, cùm non haberent, quò se reciperent, plurimi mediis in plateis languidi, non nulli miseriis ac fame enecti jacerent. Vincentius itaque, cui velut innata erga egenos benignitas, scilicet ex horum auditu aspectuque incredibilem animo dolorem hausit. Quare principiò misit quodam è Domo Professâ Patres Fratresque panibus

panibus ac vino instructos , iis utcumque refocillandis , quibus vires deerant ad mendicandum : tum agitare secum & cum aliis cœpit, qua ratione prospici publicæ illi necessitati posset. Sed qui consulebantur , vim maximam hominum cum maxima annonæ penuria componentes, frustrà de eo quæri censebant, quòd supra facultatem esset. Itaque etiam à cogitatione subsidii , non modò à consilio Vincentium abducere nitebantur. At Sanctorum mens , ut increato lumini est propior, ita clarius videt ; & Charitas, ut de divina flamma plus participat, sic diffidentiæ frigore minimè se tangi, nedum hebescere patitur. Hæc igitur Vincentium impulit , ut subsidio publico initium daret ; spemque fecit fore , ut Deus, pauperum Pater ac fautor, conanti vires viasque sugereret tantæ calamitati succurrendi ; quodque ipse per penuriam suam utcumque inchoaturus erat, aliorum ope operaque perficiendi. Denique centum ducatis nescio quæ aut unde acceptis , egentium negotium agere instituit. Venit illi primum in mentem opulentι cujusdam hominis , qui nuper

M 4 favente

favente Numine multa millia aureorum ex quadam negotiatione lucrifecerat. Rogat Hispaniæ Assistentem, cui is probè notus, stipem ab eo petat in pauperum usum: acquiescit ille, & spe ampliori obtinet. Insuper ab eo monetur Cardinali Albornos incessisse desiderium grandem nummorum summam egentibus largiendi. Bonum factum! nec sine Numine. Neque enim aliud quidquam morabatur egregium Ecclesiæ Principem, quam quod ad manum non esset vir prudens & industrius qui cum fide credendam à se pecuniam distribueret. Cùm ergo R. Pater Assistens Vincentio auctore ad eum adiens, consilium hujus Dei servi de pauperum subsidio exposuisset, mirâ lætitiâ affectus, grates egit cordium arbitro, quod tam egregium beneficentiaz suaz administrum sibi in tempore providisset. Confestimque præcepit, ut nullâ interpositâ morâ quingenzi ducati ad Vincentium mitterentur, quibus haud multo post ducentos adjunxit, cum decem vini modiis: & præterea promisit collaturum se in solidum non minus bis mille ducatos, imò quantum
Vincentio

Vincentio petere placitum fuisset. Demum dignâ Ecclesiastico Principe munificentiâ, subjunxit, si in opus tam necessarium, ac Numini acceptum nummi sibi deficerent, promptum paratum se, universam palatii sui supellecilem iis cogendis divendere.

Neque tamen illius munificentia sufficere Deo visa est compensandæ Vincen-
tii fiduciæ. suble-
vandi
ratio alios quoque in subsidium publicæ necessitatis, ipsius gratiâ submisit. Quos inter eminuit Cardinalis de la Cueva, qui vel una largitione quingen-
tos aureos in pauperum ærarium intulit. Itaque hoc apparatu panis, caro, oriza, & legumina coëmi cœpta: impressæ item typis, signatæque scedulæ, ad multa milia; & cùm à nostris totam Urbem perlustrantibus, obviis pauperibus tributæ essent, quisque in Kalendas Apriles Domum Professam invitati ad stipem. Et abhinc confluxere illuc ingenti numero: nulla tamen confusione. Nam extima plateæ, quæ palatium S. Marci, Domumque Professam interjacet, repagulis occlusa: intra quæ omnes egeni cogebantur, mulieres illinc cum pueris, hinc è

M 5 regione

regione viri, & inter utrosque stips erogabatur: in singulos panes bini, juscum item & aliqua vini portio. Dispertiti in id operæ Domūs Professæ Sacerdotes omnes; etiam Assistentes negotii tam pii partem ultro amplexi, simulque illustiores è Collegio Romano Patres. Hi ordine pauperes componere: illi panem impertiri: alii vinum, alii juscum: tabelias alii parare, alii tradere egenis in sequentem diem: omnes caritatis officium, quod sortiti erant, sedulò curare. Sed inter omnes insudare Vincentius maximè, insignoremque, quam alias solitus esset, præferre hilaritatis speciem: tametsi plus negotii pauperes illi, quam cuiquam alteri dabant. Effundere se cum stipe videbatur: quam & largiorem quam reliqui donabat, & ferè quantam flagabant. Nec enim dimittere à se mœstos poterat, aut spe frustratos. Quin & piâ illorum fraude delectabatur, seu dum amplius quam constitutum erat, peterent, acciperentve; seu dum iteratò ad stipem venirent. Cùm autem de aliquorum ejusmodi dolis commonefieret, amicè dolentérque rem excusans, dicebat

non

non cupiditate fallendi , sed merâ necessitate ad id eos adigi: & si quid aliud peccatum ab illis esset, illud omne qua licebat excusatione tegebat, nempe qui Christum in egentibus intuetur, eorum vitia vel non vident, vel præ Christo, non vult attendi. Itaque Patris animum in eo experti, tamquam patri proprias quisque difficultares rei familiaris exponebant, earumque levamen supra communem stipem deposcebant. Præterea dum egentes ordinarentur, plateam circumiens, feligebat è pueris pannosiores ac squallidiores, domumque introductis simul manu sua porrigebat cibum potumque, simul tradebat Christianæ fidei elementa, ut animum unâ cum corpore pasceret.

Junxit se porrò mendicabulis hisce , non modica honestiorum multitudo , ad extrema redactorum : Sacerdotum præfertim ac Religiosorum, civium quoque & artificum, quibus provideri pro conditione curavit. Eapropter jussit in ampliore aliquo cubiculo Domûs Professæ apponi sternique mensas aliquot , cunctum partim Sacerdotibus, partim Religiosis :

Etiam
Sacer-
dotes &
cives
hone-
stiores
ad ex-
trema
reda-
ctos,
itemq;
mem-
bris ca-
ptos

giosis : & aliquot è plebe honestioribus, dumque vescerentur , librum pium legi, ut & hi hac lectione mentes pariter reficerent. Dum hæc aguntur, animadvertisit amantissimus pauperum Pater, in tanta eorum frequentia nullos propè adesse cœcos , aut mutilos, mancosve : quos tamen plurimos urbem habitare constabat: & continuò Sacerdotem mittit, qui per celebriora illius loca, templave quæsitost ad stipem vocet, eorumque nomina albo inscribi curet . Nec diu se rogari passi, adfluxere primo ipso die centum & duodeviginti, atque in atriene septum Domus Professæ coacti communi stipe donati sunt.

frequē-
tia lar-
gitasq;
specta-
torum,
& pietas
egentiū.

Ceterūm excivit hæc caritas Præfules, Proceresque haud paucos ad sui contemplationem. Delectabat enim verò illos cernere Generalem Ordinis Præpositum , inclyta domo , virtuteque , nec non alias prudentiâ, virtute, ornamentis que reliquis clarissimos viros , mendicabilis laceris ac fœtentibus , tanta cum animi demissione , benignitate atque hilaritate , inservientes. Addebat stimulos ad visendum, pauperum pietas, qui priùs Litanias

Litanias B. Virginis, aliisque pia carmina concinebant, quam stipem acciperent, præcentoribus Scholaisticis nostris aut Tironibus, ad majorem concentus modulationem modestiamque. Nec sterile spectaculum erat illius seu caritatis seu pietatis; corda etiam spectantium intimè penetrabat, manusque pandebat liberalitati, quippe in tam salutares usus. Fuere qui clanculum per ignotos homines, fuere qui coram & extemplo magnum pecuniæ numerum conferrent ad eleemosynæ continuationem. Ex his Dux Cæsarini, & Domini Falconieri, currus onustos pane vinoque miserunt. Georgius Bernardus Comes d'Herbesteim, Adolescens prænobilis, & Ecclesiarum Cathedralium, Ratisbonensis, Passavensis, & Uratislaviensis Canonicus, Collegique Germanici inquilinus, per id tempus fato concedens, publicæ necessitati sublevandæ insignem pecuniæ summam attribuit. Sed quod pluris pendendum arbitror, Judæi ipsi maximâ frequentiâ theatrum illud Christianæ caritatis invisebant: atque ut exemplorum vis magna est in utramque partem, & fidei divinæ veritas,

veritas, ex rerum quæ credendæ propo-
nuntur, honestate probitatéve æstimatur,
nonnulli ex iis exemplo illo permoti
Christianam fidem amplexi sunt. Quin
etiam compertum est, quemdam à fide
avità transfugam, quem parens ex Hispa-
nia fugiens, adhuc sexennem abduxerat
in Turciam , & Mahometicis sacris ini-
tiandum curaverat , cùm à Christianis
captus, & in servitutem redactus , ex eo-
rum manibus se Romam proripuisset,
contemplatione illius caritatis medulli-
tus tactum , Mahometem ejurasse (po-
stequam quadraginta annos illum co-
luerat) & operâ nostrorum in gratiam
cum Ecclesia rediisse. Adeo leniter alté-
que in animos influit charitas ! adeo etiam
pertinaces emollit!

Noctu
paupe-
res in
partem
Colle-
gii Ro-
mani
excipit:
fovetq;
mira
beni-
gnitate

Ne quid autem illi charitati decesserit,
cùm mendicis compluribus nec domus
effet nec diversorum (quo fiebat ut no-
ctu sub dio cubitare cogerentur) iis reci-
piendis granaria Collegii Romani assi-
gnavit, viæ, quam Pantani vocant, adstru-
cta. Illic plus centenos lectos instrui cu-
ravit, in quibus, quām commodissimè
fieri posset, egeni quiescerent. Porrò
singulis

singulis sub diei serum sua quotidie cœnula mittebatur, simul & magistri fidei virtutisque Christianæ: nam liberalitas optimum doctrinæ vehiculum est; & virtutis semina apertis largitione animis promptius accipiuntur. Ipse sanctus Generalis frequenter eos, amicissimèque invisebat, & honori gloriaque sibi ducebat, illis ministrare. Quoniam verò eo etiam ægrotantes irrepebant, ipse illis partim consolandis, partim refocillandis cupedias porrigebat: quaque poterat ratione, nauseabundis ciebat appetitiam. Matrem sedulam dixisses: & revera matrem fecerat caritas, quæ materni in pauperes pectoris sensus affectusque ei impreッserat. Sed tamen prior eidem cura animorum, quam corporum. Quam curam nihil imminuebat, aut morabatur egentium squallor, aut locorum in quibus versabantur fœtor haud modicus: verum acuebat potius, & hilaritatem insuper promptitudinemque subveniendi addebat. Ita cupidus adjungebat se illis, quorum aspectus horrorem ac nauseam creabant. Quondam visus est plus horæ spatium flexis humi genibus & prono capite

capite unum atque alterum puerum
ægrum, ritè peccata fatentes , audire,
loco tam horrendum in modum putenti
(erat enim mera valetudinarii cloaca) ut
illi , qui quippiam operis illic expedie-
bant, medicatos odores , ne fœtore op-
primerentur , naribus opponerent. Et
fuit laboris non leve pretium : inde enim
cùm surrexisset, apparuit Vincentii toga
vermiculis referta : id quod ipse in deli-
ciis reponebat : quare de iis monitus,
idem quod S. Ludovicus Episcopus Tho-
losanus pari occasione, pronuntiavit, *Hæ-
sse pauperum gemmas.* Nec dubium est
quin potiores optabilioresque Indicis il-
las duceret.

Trans-
ferūtur
paupe-
res , &
Vincen-
tii cari-
tas in
palatiū
S. Joani-
nis.

Perststit hæc publica benignitas duos
ipsos menses, Aprilem & Maium : & verò
ad sequentem usque messem perducta
fuiisset , nî communis omnium Pater
INNOCENTIUS X. necessitati aliter pro-
vidisset. Sapienter itaque edixit, ut men-
dici omnes per urbem dispersi , vagique,
in palatum S. Joannis Lateranense, con-
cluderentur: superna ædium illarum re-
gio in Nosodochium verteretur: in ve-
teribus ædificiis, *Loco di pietra* dicto
adjacentibus

adjacentibus sedes aliquæ fœminis pan-
derentur. Et totum illud negotium im-
posuit Vincentio, qui Patres, Fratresque
illi præfecit. Itaque novæ necessitudini
novi lecti, culcitræ, lodices, lintea, vasa,
mensæ, cæteraque supellex parata. uni-
versa in mille pauperum usus. Curaban-
tur omnes à Nostris, quorum deni aut
octoni ad S. Joannis, à primo mane ad
vesperum usque illis famulabantur; seu
corporum, seu animarum necessitates
operam subsidiumque exposcerent. His
additi Tyrone & Scholaftici Societatis,
non egentium magis, quam ipsorum
compendio; ut nimirum Instituti nostri
spiritum interea haurirent, studium, in-
quam, fraternæ caritatis, Christianæ hu-
militatis, & victoriæ sui pravarumque
affectionum, contemptus quoque vitæ,
dum res fert, & Christi proximique ob-
sequium. Nam mortis horrorem aut pe-
ricula excusare ac fugere dum Christus
& caritas vocant, haud sanè Jesuiticum
est. Et laborum & vitæ vectigalis est, qui
Christo in hac Societate dat nomen.
Neque defuerunt hoc tempore è Nostris
qui repræsentarent vitam, quam utique

N

conta-

contagiosus loci & ægrorum halitus sustulit. Cæterum Vincentius suam præ caritate vilem habens, quoties per Assistentium assensum & negotia licebat (nam officio ne momentum quidem temporis suffuratus umquam est, vel proprio ex oratione solatio, vel subsidio exterorum) ad S. Joannis se conferebat, egenisque inserviebat. Atque hic etiam impigræ fervideque caritatis specimina haud pauca edidit: nam sordidissimo cuique ac fœtentissimo adhærescens, in humilissimis famulabatur: debilioribus cibum in os porrigebat: nauseantium condiebat escas. Et fuit cum puero querente genitique juscum suum non satis esse salitum, cucurrit ipse ad salinum, & pro pueri appetentia propriis manibus salem jusculo inspersit.

*Quæ
pericu-
lo con-
tagii nō
terretur;*

Erant, qui justissimo metu properandi obitus tanti tamque necessarii viri, idem tidem eum obsecrarent, ut loco tam periculo abstinenteret. Enimvero à pestifero nihil admodum abesse: suffectos isti ministerio adeo industrios operarios, ut eorum prudentiæ ac benignitati cura omnis facile tutoque concredi posset.

Cavendum

Cavendum capiti periculo membrorum; si discrimen ingruit, non caput ultro illi objiciendum. Quibus ille metuere nescius, & utcumque caderet, securus, reponebat ejusmodi ministeriis unicè se delectari: non videri fraudandum Generalem continuis gravissimisque negotiis distentum, tam optato laxamento. Ut aliquod periculum foret, in oculis esse Aquavivam pariter Generalem, qui pari occasione per se pauperibus & ægris famulatus, successoribus suis exemplum simul & facultatem ostendit exhibendæ in filios Dei, fratresque nostros caritatis.

Ita ipse.

Et sanè non secus ac si famulatus ille, sed merum esset oblectamentum, mirè illo capiebatur: nec minimam illius partem gaudet capiebatur: nec minimam illius partem unice fibi excidere sinebat: inchoatumque sub- inde mane, ad serum usque diei continuabat: nisi quod meridie sumendo prandiolo intersistere cogebatur, solis pane, vino & caseo contentus; quibus, in delicias, medium exigui limonii, quod Romæ vulgare est, addebat. Sacerdos quidam è nostris corrigendo moderandōve putori, quem aura vitiata inhalabat, pomum

N 2 auratum

auratum illi obtulit. Respuit ipse, nec
 semel: causāmque reddens, *Odor hic, in-*
quit, odor est paradisi. Ita scilicet illi ar-
 ridebat. Sed ut animarum salus longè
 præstat corporum saluti; sic multò illi
 potior & in hoc S. Joannis valetudinario
 fuit. Aram in majore ejus aula erigi in-
 struique curavit, binasque ad noxarum
 confessionem sellas. Et in ea quam pri-
 mam instituit synaxi, voluit ipse mendi-
 cabulis illis Panem Angelorum imperti-
 ri, licet primos morbi lethalis assultus
 sensisset: quo paucis post diebus extin-
 ctus est. Ut puerorum, qui frequentes
 erant, mentes fidei ministeriis imbueret
 blandiùs, submittebat genua vir tantus,
 eosque incredibili patientia instruebat:
 quoque attentiores, avidioresque pro-
 gressūs cernebat, munusculis donabat.
 E viris autem plurimi illius ac nostrorum
 operâ Deum deinceps impensiùs colere,
 & Christianis sacris frequentiùs defungi
 omnino statuere. Turca etiam quispiam
 hoc caritatis exemplo permotus, Maho-
 mete repudiato se Christo dedidit. Cùm
 hic morti proximus crederetur, Ba-
 ptismum expetierat. Utque eo ritè
 fungeretur,

Præser-
 tim ani-
 marum
 causā
 susce-
 pto.

fungeretur, subiectis corpori fortium virorum brachiis aulæ illatus erat. Vix expletis baptismi ceremoniis, animam agere & in singula momenta exhalaturus visus est. Vincentius ergo Christo jam genitum lætus, in Pontificis facellum, ubi lectus è Domo Professa ejus jussu delatus & apparatus erat, deferendum curavit. Delato comitem adesse voluit Sacerdotem ad mortem usque, quam pauculis post horis obiturus credebat. Sed vix in lecto quievit, cum vigoris ac vi-
rium illi tantum divinitus accessit, ut è mortuis suscitato similis esset. Cibum poscit, noxas anteactæ vitæ omnes coram Sacerdote recognovit, & paucos intradies integrum valetudinem recuperavit. ut morbum illum felicem dicere possis, quem sanitas duplex sic exceperit.

Denique & hoc præstítit Vincentius Et san-
charitati illi omnibus numeris absolven-
dæ, ut cum vestium penuriâ egeni non-
nulli propè nudi ex valetudinario jam tis ve-
valentes discederent, vestes eis provide-
ret. Atque ut ad illam caritatem insti-
tuendam de suo aliquid primus ipse con-
tulerat; ita & contulit ad perficiendam.
provi-
det.

Centum aureos donaverat quidam è nostris ad facellum S. Ignatii decorandum. Vincentius ergo ratus S. Patri antiquius fore, ut Christi membra vestibus quibus indigebant, quàm facelli parietes vela-
mentis non necessariis instruerentur, eos ipsos aureos illis coëmendis destinavit. At brevi aliunde succrevêre hanc in stipem nummi, obediente velut Numine fiduciæ Vincentii: ut & alios ad idem caritatis officium impelleret. Coëmpta itaque indusia, calcei, pilei, & vestes ma-
gno numero: atque his pauperes indui, cùm prius nostrorum operâ, ordine à Vincentio præscripto in opus succeden-
tium, loti fuissent. Hæc fuere postrema Vincentii officia, argumentaque intimæ in pauperes, atque in Dei filios benigni-
tatis. Ex his evocatus à Deo est, ad præ-
mium utique vitæ omnis, ejus amori pe-
nitus insumptæ, & mortis ejusdem cultui
obitæ.

CAPUT